



**KONTROLLUTVALET I LINDÅS KOMMUNE  
MØTEUTSKRIFT**

Møte: 6. juni 2018 kl. 09.00 – 11.30  
Stad: Møterom 1.etg. Kundesenteret, kommunehuset

Tilstade: Peder Jøsendal (leiar), Rolf Henning Hegland (nestleiar),  
Kåre Helge Østrem (medlem) – deltok til kl 10.30, sak 25-28 og 30-31  
Ann Kristin Tønning (medlem) og Rebecca Duesund Fjeldsbø (medlem)

Forfall:

Innkalla: Økonomisjef Janne Sund (sak 28/18)  
Assisterande rådmann Hogne Haugsdal (sak 29-30/18)

Frå revisjonen: Rekneskaprevisor Espen Hordvik og Bjarne Ryland, Deloitte AS (sak 28/18)  
Forvaltningsrevisor Marius Aure (sak 29-30/18)

Sekretær: Øivind Olsnes

---

**25/18 Godkjenning av innkalling og sakliste**

**Behandling i møte:**

Kåre Helge Østrem opplyste at han er styremedlem i KIM AS og derfor er ugild i sak 29/18, Fvl § 6 pkt e. Østrem deltok derfor ikkje under handsaminga av saka.

I sak 29/18 var det 4 av 5 medlemar til stades (vara var ikkje kalla inn).

Behandling av saker vart endra i høve utsendt sakliste/rekkjefølgje

**Framlegg til vedtak:**

Innkalling og sakliste er godkjent

**Samrøystes vedtak:**

Innkalling og sakliste er godkjent

**26/18 Godkjenning av møteutskrift frå sist møte**

**Saksvedlegg:**

Møteutskrift frå møte den 14.03.2018

**Framlegg til vedtak:**

Møteutskrift frå møte den 14.03.2018 er godkjent

**Samrøystes vedtak:**

Møteutskrift frå møte den 14.03.2018 er godkjent



**27/18 Skriv og meldingar:**

Saksvedlegg:

- a. Kommunestyrevedtak - sak 017/18, forlenging revisjonsavtale
- b. Kommunestyrevedtak - sak 018/18, selskapskontroll - Eigarskapsforvaltning

Saksopplysningar:

**Behandling i møte:**

**Framlegg til vedtak:**

Kontrollutvalet tek skriv og meldingar til orientering

**Samrøystes vedtak:**

Kontrollutvalet tek skriv og meldingar til orientering

**28/18 Årsrekneskapet 2017 og revisjonsmelding – uttale frå kontrollutvalet**

Saksvedlegg:

Årsrekneskap og Årsmelding 2017 for Lindås kommune,  
Revisjonsmelding datert 13.04.18 og Revisjonsrapport nr.13 datert 13.04.18,  
Deloitte AS

Saksopplysningar:

Kontrollutvalet skal gje uttale om årsrekneskapet før det vert vedteke av kommunestyret. Kopi av uttalen skal til formannskapet før dette organet gjev innstilling om årsrekneskapet til kommunestyret, jf. § 7 i «Forskrift om kontrollutvalg i kommuner og fylkeskommuner».

**Behandling i møte:**

Økonomisjef Janne Sund og rekneskaprevisorar Espen Hordvik og Bjarne Ryland møtte i saka.

Økonomisjef orienterte om årsrekneskapet og årsmeldinga.

Rekneskaprevisorar Hordvik orienterte om revisjonen sine kommentarar i Revisjonsrapport nr. 13.

Kontrollutvalet gjekk gjennom årsrekneskapen for 2017, og stilte spørsmål til administrasjon og revisor om tilhøve kring revisjonsrapporten, årsmeldinga og rekneskapen.



### Framlegg til uttale:

Kontrollutvalet vedtek å gje slik uttale til kommunestyret om Lindås kommune sin årsrekneskap for 2017:

Kontrollutvalet har handsama årsrekneskapen for Lindås kommune for 2017. Saman med årsrekneskapen låg føre årsmeldinga frå rådmannen samt revisjonsmelding og revisjonsrapport nr. 13, datert 13. april 2018.

Kontrollutvalet meiner at årsrekneskapen med tilhøyrande spesifikasjonar og notar er oversiktleg og klar. Årsmeldinga inneheld dei lovpålagte krava. Saman med årsmeldinga gjev rekneskapsdokumentet god informasjon til brukarane og kommunestyret.

Kontrollutvalet vil peike på følgjande:

#### **Økonomisk resultat**

Netto driftsresultat er 107,1 mill. kr. Det korrigerte netto driftsresultatet for den ordinære drifta til kommunen er 80,3 mill. kr. og utgjer 5,6 %. Dette er eit godt resultat, og ligg over minimum tilrådd nivå på 1,75% for kommunesektoren.

Driftsinntektene syner ein auke på 7,4 % frå 2016, medan driftsutgiftene har ein auke på 7 %. Avvik for lønnsutgifter i høve budsjett er forklart i årsmeldinga.

Dei sentrale postane viste eit avvik på 9,4 mill. kr, og er gjort greie for i årsmeldinga jf. s. 8.

#### **Avvik i høve til budsjett - skjema 1A og 1B**

I forskrift om årsrekneskap og årsmelding § 10 er det eit krav at vesentleg avvik i utgifter i høve til budsjett skal gjerast greie for.

For tenestekområda er det eit samla mindreforbruk på 4,6 mill. kr. For tenestekområda; Politisk styring og Pleie og omsorg var det eit meirforbruk, medan det var eit mindreforbruk på dei andre. Avvika er gjort fyldig greie for i årsmeldinga, jf. s. 10-11.

#### **Avvik i høve til budsjett - skjema 2A og 2B**

I investeringsrekneskapen – skjema 2B er det eit større avvik i høve til regulert budsjett vedkomande Knarvik barneskule og for «sum vann». Totalt var det reviderte investeringsbudsjettet på 197,7 mill. kr. Dei totale investeringane vart 221,7 mill. kr.

Kontrollutvalet har tidlegare år vore uroleg for at investeringane ikkje har følgd fastlagde planar for investeringar innan vatn og avløp. Innan vatn og avløp er det i 2017 gjennomført investeringar om lag som budsjettet for avløp, men høgare enn revidert ramme for vatn.

Sjølvkostandelen for desse tenestene framgår av note 12. Kontrollutvalet vil i den samanheng peike på revisor sin kommentar vedkomande bruk av sjølvkostfondet, under pkt 4.3 i revisjonsrapporten.



### **Noter**

I notane til rekneskapet, tabell 5 er lista opp kommunen sin eigarskap i ulike selskap.

I revisor sin rapport om *Selskapskontroll – Eigarskapsforvaltning, Lindås kommune (februar 2018)* vart det peika på at ikkje alle selskapa som kommunen er eigar i er tekne med. Notane til rekneskapet for 2017 er ikkje endra i høve tidlegare år.

Kontrollutvalet vil rå til at dette vert følgd opp for 2018 slik at notane i rekneskapen til Lindås kommune er korrekt med omsyn til eigarskapa.

### **Årsmelding**

Kommuneloven § 48 nr 5 seier at årsmeldinga skal gjere greie for den faktiske tilstanden for likestilling i kommunen og arbeidet med å sikre ein høg etisk standard. Årsmeldinga har fyldig informasjon om dette, jf s. 5.

Årsmeldinga skal og innehalde opplysningar om dei tiltak som er starta for å sikre god internkontroll. Dette vert gjort greie for i årsmeldinga, jf s. 6-7.

### **Revisjon**

Revisjon av årsrekneskapen er tilfredsstillande utført etter kontrollutvalet si vurdering. Det er gjennomført interimrevisjon i året, og på utvalde rekneskapsområde er det gjennomført testar av om interne kontrollar har fungert i heile rekneskapsperioden.

Av Revisjonsrapport nr 13 går det fram kva tilhøve revisjonen har gjeve kommentarar til.

Etter utførte kontrollar ved interimrevisjonar er det i revisjonsrapporten kommentert og gjeve tilrådingar for ulike tilhøve.

- 3.1 Det har vore ei positiv utvikling og er no eit tilfredsstillande nivå på skriftleg dokumentasjon og rutinar på sentrale område for rekneskapen.  
Revisjonen tilrår at dette arbeidet vert halde fram på område der slike rutinar / dokumentasjon framleis manglar.

Vedkomande årsrekneskapet er det kommentert mindre avvik og tilrådd oppfølging vedkomande:

- 4.1 Finansreglement
- 4.2 Presentasjon av kortsiktig gjeld og kortsiktige fordringar
- 4.3 Sjølvkost - bruk av sjølvkostfondet

Revisjonen har i sin rapport ikkje vurdert sine kommentarar som vesentleg i høve til revisjonsmeldinga, og har ikkje i sin revisjon funne vesentlege formelle eller materielle feil i den framlagte rekneskapen.

Kontrollutvalet har merka seg at kommunen har gjort eit godt arbeid med skriftlege rutinar for internkontroll. Kontrollutvalet vil i løpet av 2018 følgje opp revisjonen sine kommentarar og merknader i Revisjonsrapport nr 13.

Utover dette og det som går fram av revisjonsmeldinga til årsrekneskapen datert 13.04.18 og revisjonsrapport nr. 13 datert 13.04.2018, har kontrollutvalet ingen merknader til årsrekneskapen for Lindås kommune for 2017.



**Framlegg til vedtak:**

Kontrollutvalet vedtek framlegget til uttale slik den føreligg

**Samrøystes vedtak:**

Kontrollutvalet vedtek framlegget til uttale slik den føreligg

**29/18 Selskapsrevisjonsprosjekt KIM**

**Habilitet:**

Kåre Helge Østrem er styremedlem i KIM AS og er ugild i saka, Fvl § 6 pkt e.

Østrem deltok derfor ikkje under handsaminga.

I saka var det 4 av 5 medlemar til stades (vara var ikkje kalla inn).

**Saksvedlegg:**

Deloitte - Oversendingsbrev datert 25.05.2018 - selskapskontroll av KIM AS

Deloitte mai 2018; Selskapskontroll Lindås kommune, Knarvik Industri og Miljø AS

**Saksopplysningar:**

Selskapskontroll av Knarvik Industri og Miljø AS er gjennomført på bakgrunn av bestilling frå kontrollutvalet i møte den 31. mai 2017, sak 30/17. Prosjektet er prioritert i kommunen sin plan for selskapskontroll for 2016-2020.

Rapporten kan sjåast i samanheng med selskapskontrollen av eigarskapsforvaltninga i Lindås kommune. (Kommunestyresak 016/18).

Føremålet med selskapskontrollen har vore å sjå på Lindås kommune si eigarstyring av Knarvik Industri og Miljø AS (KIM). KIM er eit aksjeselskap heileigd av Lindås kommune. Selskapskontrollen har undersøkt om selskapet har etablert system og rutinar for å sikre at selskapet driv i samsvar med vedtekter, politiske vedtak og regelverk.

Følgjande hovudproblemstillingar er undersøkte:

1. Utøver Lindås kommune eigarskapsforvaltning av Knarvik Industri og Miljø AS i samsvar med aksjelova, politiske vedtak og etablerte normer for god eigarstyring ?
2. I kva grad følger styret og dagleg leiing opp selskapet i samsvar med overordna krav og føringar ?
3. I kva grad har selskapet etablert tilfredstillande internkontroll ?
4. Har selskapet system og rutinar som bidrar til å sikre ei forsvarleg økonomisk drift ?

Deloitte har sendt eit framlegg til rapport på høyring til selskapet og rådmannen.

Endeleg rapport er korrigert i høve faktafeil, påpeika av selskapet. Selskapet sin høyringsuttale ligg ved. Lindås kommune har meldt frå om at dei ikkje har merknader til rapporten.



Funna i rapporten kan kort oppsummerast slik:

- Lindås kommune har ikkje hatt ei aktiv eigarskapsforvaltning overfor KIM AS
- Lindås kommune er også brukar av tenester for selskapet. Samhandlinga mellom KIM og kommunen knytt til brukarane bør systematiserast betre.
- Selskapet sin praksis på fleire område er i samsvar med kommunen si eigarskapsmelding og KS sine tilrådingar. På nokre punkt er det ønskjeleg med ytterlegare oppfølging.
- KIM si drift er i hovudsak i samsvar med aksjelova, vedtekter, samt krav i regelverk for arbeidsmarknadsbedrifter.
- Det er ikkje avdekka funn i strid med NAV si tidlegare vurdering av KIM
- Systemet for internkontroll bør utviklast vidare.
- KIM manglar ein del rutinar for å ivareta HMT i samsvar med internkontrollforskrifta.
- KIM må følge meir opp at dei er underlagt: forskrift om industrivern, lov om offentlege anskaffingar og offentleglova.
- KIM har sett tydelege mål for brukarmedverknad i eigne retningslinjer, men bør vurdere å setje i verk nokre tiltak for å auke medverkinga til brukarane i samsvar med dei overordna måla.
- Selskapet manglar rutinar for økonomistyring.

Med bakgrunn i gjennomført selskapskontroll vert det gjeve slike tilrådingar til vidare oppfølging:

**Revisjonen vil tilrå at kommunen:**

1. Utarbeider elgarstrategi for KIM og tydeleggjer forventningar til selskapet.
2. Vurderer å gjennomføre eigarmøte for å styrke samhandlinga mellom kommunen og selskapet.
3. Sikrar balansert kjønnsrepresentasjon i styret.
4. Skriftleg grunngjev val av styremedlemmar.
5. Oppdaterer vedtektene til å omfatte bruk av overskot og formue ved oppløysing i samsvar med § 2-1 andre ledd i aksjelova, samt frist for innkalling til generalforsamling, og praksis med numerisk varaordning for alle styremedlemmer.
6. Etablerer rutinar for samhandling mellom KIM og kommunen knytt til brukarane.
7. Vurderer om det er behov for å formalisere mål eller forventningar for dei kommunale dagplassane.



**Revisjonen vil tilrå at kommunen følger opp at KIM gjennomfører følgende tiltak:**

1. Styret bør vurdere å i større grad nytte sin instruks, og følge punkta fastsatt i den.
2. Utarbeide skriftlege rutinar som omhandlar frekvens og innhald for styreevalueringar .
3. Styret bør vurdere meir systematisk opplæring av (nye) styremedlemmar. Dette kan gjerne skje i form av styreseminar som tar opp tema som roller, ansvar og oppgåver for styremedlemmane.
4. Styret bør vurdere å utarbeide ein årleg plan for sitt arbeid .
5. Styret bør vurdere å utarbeide skriftlege retningslinjer for vurdering av habilitet i samsvar med KS sine retningslinjer.
6. Alle styremedlemmar bør registrere sine styreverv i styrevervregisteret slik KS tilrår.
7. Vidareutvikle internkontrollen, under dette:
  - a) Systematisk rutineutvikling,
  - b) Samle dei etiske retningslinjene og forankre desse i verksemda,
  - c) Oppdatere stillingsskildringar og gjere desse kjent for dei tilsette,
  - d) Gjennomføre jamlege risikovurderingar av drifta i selskapet som omfattar alle avdelingar,
  - e) Sikre tilstrekkeleg med melding av avvik, samt oppfølging og analyse av desse for heile verksemda,
  - f) Etablere eit system for leiinga si oppfølging av internkontrollen.
8. Oppdatere HMT-handboka og sikre etterleving av rutinar knytt til vernerundar.
9. Etablere rutinar for etterleving av industrivernforskrifta.
10. Etablere rutinar for etterleving av regelverk om offentlege anskaffingar.
11. Etablere rutinar for etterleving av offentleglova .
12. Vurdere å etablere brukarfora eller liknande for VTA-brukarane.
13. Utarbeide rutinar for økonomistyring, under dette eventuelle tiltak for å sikre tilfredsstillande likviditet.
14. Etablere avdelingsvise budsjett.

**Behandling i møte:**

Saka vart handsama etter sak 31/18

Forvaltningsrevisor Marius Aure deltok og presenterte rapporten.

Assisterande rådmann Hogne Haugsdal deltok under saka og kommenterte funna i rapporten.

**Framlegg til vedtak:**

Kontrollutvalet ser det som viktig at rapporten sine tilrådingar vert følgt opp av rådmannen. Kontrollutvalet ønskjer å følgje opp selskapskontrollen og status for administrasjon sitt arbeid med tilrådingane på møte i kontrollutvalet i november 2018.

**Framlegg til vedtak i kommunestyret:**

Kommunestyret ser det som viktig at rapporten sine tilrådingar vert følgt opp av rådmannen. Kommunestyret ber kontrollutvalet følgje opp att tiltak i rapporten vert sett i verk.

**Samrøystes vedtak:**

Kontrollutvalet ser det som viktig at rapporten sine tilrådingar vert følgt opp av formannskapet ved ordførar. Kontrollutvalet ønskjer å følgje opp selskapskontrollen og status for administrasjon sitt arbeid med tilrådingane på møte i kontrollutvalet i november 2018.



**Framlegg til vedtak i kommunestyret:**

Kommunestyret ser det som viktig at rapporten sine tilrådingar vert følgt opp av formannskapet ved ordførar. Kommunestyret ber kontrollutvalet følgje opp att tiltak i rapporten vert sett i verk.

**30/18 Forvaltningsprosjekt informasjonstryggleik - prosjektplan og oppfølging**

Saksvedlegg:

Deloitte: Forvaltningsrevisjon – Lindås kommune *Informasjonstryggleik*, Nov. 2017  
Lindås kom. adm: Prosjektmandat, datert 23.05.18

Saksopplysningar:

Rapporten vart framlagt for kontrollutvalet under sak 60/17 med slike saksopplysningar:

*Deloitte har i samsvar med bestilling frå kontrollutvalet i Lindås kommune gjennomført ein forvaltningsrevisjon av informasjonstryggleik i Lindås kommune. Føremålet med forvaltningsrevisjonen har vore å undersøkje om kommunen har tilfredstillande system og rutinar for informasjonstryggleik og om etablerte standardar og gjeldande lover og reglar vert følgt innanfor dette området.*

*Lindås kommune har i brev datert 14.11.2017 gjeve sin høyringsuttale til rapporten.*

*Basert på funna i undersøkinga, tilrår revisjonen Lindås kommune å setja i verk følgjande tiltak:*

1. oppdatere og ferdigstille styringssystemet for informasjonstryggleik slik at dette oppfyller alle krava i regelverket, og som del av dette:
  - a) etablere eit system som sikrar at kommunen har fullstendig og ajourført oversikt over kva personopplysningar som vert handsama
  - b) sikre at det vert gjennomført risikovurderingar av IT-system og behandlingar av personopplysningar opp mot fastsette akseptkriterium for informasjonstryggleik
  - c) gjennomføre tilstrekkeleg kontroll og etterprøving av informasjonstryggleiken i kommunen sine system
2. utarbeide tilstrekkeleg med informasjon om informasjonstryggleik til dei tilsette, og sikre at dei tilsette får den naudsynte opplæringa for å kunne ivareta informasjonstryggleiken på ein tilfredsstillande måte
3. formalisere og ev. etablere beredskapsrutinar for både den generelle brukarstøtta og for brukarstøtte til dei ulike fagsystema som er i bruk i kommunen
4. Sikre at samarbeidsavtalene med IKTNH vert overhaldt og klargjort, særleg med omsyn til:
  - a) rolle- og ansvarsdeling mellom kommunen og IKTNH med omsyn informasjonstryggleik
  - b) opningstid for og organisering av brukarstøtta
  - c) rapportering frå IKTNH til kommunen, særleg knytt til nedetid i IKT-systema

*Revisjonen ved Frode Løvlie møtte i saka og orienterte om funn og konklusjonar i prosjektrapporten.*





*Rådmann Ørjan Raknes Forthun møtte i saka og orienterte om sine tankar for oppfølging av tilrådingane. Rådmannen synes rapporten er eit nyttig verktøy til å forbetre tenestene og vil ta funna i rapporten med i prosessen for å utvikle Lindås / nye Alver kommune.*

*Kontrollutvalet stilte spørsmål til revisjonen og rådmannen.*

***I møte den 22.11.17 sak 60/17 gjorde kontrollutvalet slik Samrøystes vedtak:***

*Kontrollutvalet ser det som viktig at rapporten sine tilrådingar vert følgt opp av rådmannen. Kontrollutvalet ber rådmannen i neste kontrollutvalsmøte, leggje fram ein tidsplan og prosjektskisse for oppfølging av forvaltningsrapporten.*

Ei oppfølging av prosjektet vart drøfta i sak 04/18. Kontrollutvalet vedtok då å følge opp saka på seinare møte etter samråd med rådmannen.

Rådmannen har no lagt fram ein prosjektplan for ei vidare oppfølging der følgjande mellom anna er nærmare omtala:

- Organisering
- Bakgrunn og forankring
- Mål – delmål og delleveransar for ulike fasar
- Rammer – avgrensingar
- Risikovurdering
- Framdrift – med milepelar
- Styringssystem og dokumentkrav
- Lover og forskrifter og krav til dokument

Rådmannen legg her opp til å gjennomføre eit felles prosjektet for kommunane som skal inn i Alver kommune.

Ein meir tidsfesta framdriftsplan vil verte nærmare utarbeida for prosjektet.

***Behandling i møte:***

Forvaltningsrevisor ved Marius Aure deltok under saka.

Assisterande rådmann Hogne Haugsdal deltok og orienterte om prosjektplanen

***Framlegg til vedtak:***

Kontrollutvalet sluttar seg til revisjonen sine konklusjonar og tilrådingar i *Forvaltningsrapport – Lindås kommune Informasjonstryggleik, Nov. 2017.*

Kontrollutvalet rår til at det vert etablerert og gjennomført eit felles prosjekt for oppfølging av rapporten i samarbeid med kommunane i Alver, i samsvar med framlagt prosjektmandat datert 23.05.18.

***Framlegg til vedtak i kommunestyret:***

Kommunestyret sluttar seg til revisjonen sine konklusjonar og tilrådingar i *Forvaltningsrapport – Lindås kommune Informasjonstryggleik, Nov. 2017.*



Kommunestyret ber rådmannen følge opp forvaltningsrapporten gjennom eit felles prosjekt i samarbeid med kommunane, som skal inn i Alver kommune, og i samsvar med framlagt prosjektmandat.

Innan 1. november 2018 vert rådmannen beden om å kome med ei tilbakemelding til kommunestyret om status for gjennomføring av delmål og fasar i prosjektet.

**Samrøystes vedtak:**

Kontrollutvalet sluttar seg til revisjonen sine konklusjonar og tilrådingar i *Forvaltningsrapport – Lindås kommune Informasjonstryggleik, Nov. 2017.*

Kontrollutvalet rår til at det vert etablerert og gjennomført eit felles prosjekt for oppfølging av rapporten i samarbeid med kommunane i Alver, i samsvar med framlagt prosjektmandat datert 23.05.18.

**Framlegg til vedtak i kommunestyret:**

Kommunestyret sluttar seg til revisjonen sine konklusjonar og tilrådingar i *Forvaltningsrapport – Lindås kommune Informasjonstryggleik, Nov. 2017.*

Kommunestyret ber rådmannen følge opp forvaltningsrapporten gjennom eit felles prosjekt i samarbeid med kommunane, som skal inn i Alver kommune, og i samsvar med framlagt prosjektmandat.

Innan 1. november 2018 vert rådmannen beden om å kome med ei tilbakemelding til kommunestyret om status for gjennomføring av delmål og fasar i prosjektet.

### 31/18 Gjennomgang av rekneskapstal for kontroll og tilsyn

Saksvedlegg:

Saksopplysningar:

For å sikre god internkontroll, vert det etter kontrollutvalet sitt ønskje, lagt fram ein oversikt over utgifter til kontroll og tilsyn på kvart møte.

Budsjettramma for kontrollutvalet er av kommunestyret for 2018 vedteke til kr 950.000 og er slik fordelt av kontrollutvalet i sak 11/18:

	Budsjett 2017	Budsjett 2018	Rekn. pr 30.04. 2018
Rekneskapsrevisjon	220 000	230 000	104 000
Forvaltningsrevisjon	500 000	465 000	192 000
Sekretariat kontrollutvalet	130 000	135 000	130 000
Drift av kontrollutvalet	100 000	120 000	43 000
<b>Totalt kontrollutvalet</b>	<b>950 000</b>	<b>950 000</b>	<b>469 000</b>

Oversyn for tenesta kontroll og tilsyn pr. 30.03.18 syner ein total kostnad på kr 469.000.

Rekneskapsrevisjon inkluderer eit mindre restoppgjjer for 2017 – kr 14.000.  
Forvaltningsrevisjon gjeld sum påløpte kostnader for to prosjekt selskapskontrollar.  
Sekretariat kontrollutval gjeld betaling for heile 2018.



Basert på førte og forventa kostnader vil rekneskapet kunne styrast i balanse med budsjett for 2018.

**Behandling i møte:**

**Framlegg til vedtak:**

Kontrollutvalet tek status for økonomisk oversikt til orientering.

**Samrøystes vedtak:**

Kontrollutvalet tek status for økonomisk oversikt til orientering.

**32/18 Gjennomgang av møteprotokollar frå politiske utval**

**Behandling i møte:**

**Framlegg til vedtak:**

Kontrollutvalet tek vedtaka til orientering og har ingen merknader.

**Samrøystes vedtak:**

Kontrollutvalet tek vedtaka til orientering og har ingen merknader.

**33/18 Eventuelt**

**Behandling i møte:**

*Følgjande saker vart orientert om og drøfta i møtet:*

Leiar opplyste at han vil flytte i løpet av sommaren og at han derfor no vil slutte som leiar i kontrollutvalet.

Oppfølging:


**Samrøystes vedtak:**

Neste møte i kontrollutvalet er 13. september kl. 09.00


Saker til neste møte er:

- Drøfting/førebuing av felles møte for kontrollutvala i Alver

Knarvik, 06.06.2018



Peder Jøsendal, leiar (sign)

  
Øivind Olsnes, sekretær

